

ցրուիլ արեղաթաղն, մտանել 'ի սենեակի Մերուհի Ստեփաննոս վարդապետի, դանակոծել զգրադիր վարդապետն, հարկանել զգետնի զվերակացու վանաց և պահանջել 'ի նրմանէ քաւաքայ, և այսպէս զոմանս ապտակէին և զայլս նախատէին և հայհոյէին, և համարձակ շրջելով 'ի մէջ վանաց բաղխէին զգրուես սենեկաց լախտիւ և տապարաւ, և այն միայն վասն 6000 դահեկանի, զորմէ գրեցաք 'ի վերջոյ 'ի նեղ մտեալ Խորհրդականաց կողոպտեցին զմիաբանս, բայց ոչ գումարեցու այն 100 դահեկան. և յուսահատեալ խնդրէին զմահ և ոչ գտանէին. զայս ամենայն դառն արտասուօք նկարագրեն 'ի նամակի իւրեանց առ Փոխանորդն, զի հնարս գտցէ ազատելոյ 'ի տառապանաց: Յետ ամենեցուն ետուն 31,000 դահեկան, և 30,000 եւս խոստացան փոխանակագրով հատուցանել 'ի Կոստանդինուպոլիս. 40,000 սահմանեալ տարեկան տուրքն, 15,000 ճիւղէ ֆարսը, 6000 Ս. Յարութեան Ղաֆարն: Ապա 'ի սաստիանալ այսպիսի տարօրինակ բռնութեանց և հարկապահանջ նեղութեանց և տիրելոյ անկարգութեանց պարտատեսարց, մինչեւ գալ նստիլ 'ի դուռն եկեղեցւոյ Հրէից և այլազգեաց, և խօսիլ բանս անպատեհս զորս ոչ տանին լսելիք, և պաշարել զգրուես սենեկաց Խորհրդականաց եւ այլոց, 'ի խնդրել զառնելիս և զտոկոսիս նոցին:

Ժողովեալ ընդհանուր միաբանաց մինչեւ ցղուսպանն եւ ցաւեւածուն գրեցին գիր բազմակնիք երկար բանիւք առ Պատրիարքունս, առ ազգապետս և առ ամենայն գլխաւորս արհեստաւորաց 'ի Կոստանդինուպոլիս, յորում յետ յայտ առնելոյ զազգի ազգի նեղութիւնս և զշարժարանս իւրեանց, արտասուախառն պաղատանօք կողկողէին եւ աղաչէին հասանիլ յօգնութիւն, բառնալ 'ի թիկանց զլուծ ծանրութեան սլարտուց, ազատիլ 'ի ձեռաց կեղեքիչ բռնաւորաց և 'ի նեղչաց, մանաւանդ 'ի ձեռաց Նախիպ Օմար Էֆէնտեայ, որ գլուխն էր ամենայն չարեացհնարիչ աղետից, բանսարկու և թեւադրիչ ամենեցուն 'ի չարիս, և հաշտ ակամբ հայիլ 'ի սուրբ տունն, և մի թողուլ առնել կոխան ոտից օտար թշնամեաց. բաւական համարել զտառապանս զոր կրեցին և կրեն, և զմուր դառնութեան զօր քառեցին. եւ այլ սոցին նման մորմուքիչ